



KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	SINAR HARIAN			
TARIKH	:	6/7/2021 (SELASA)	MUKA SURAT	:	24
JABATAN	:	JPNP			

Sokong tindakan musnah tanaman durian haram

KUANTAN - Gerakan Pembela Ummah Raub (Ummah Raub) menyokong tindakan tegas kerajaan Pahang dan Jabatan Perhutanan Negeri Pahang (JKNP) yang memusnahkan tanaman durian secara haram di Hutan Simpan Kekal (HSK) di Batu Talam, pada Ahad.

Ketuanya, Mohd Shahrizan MD Esa berkata, tindakan itu membuktikan usaha semua pihak dalam menangani dan menguatkuasakan isu pencerobohan tanah haram di Pahang khususnya di daerah Raub.

"Pada Ahad tular beberapa rakaman video dan gambar yang memaparkan provokasi yang melampau oleh pengusaha kebun haram terhadap pasukan penguat kuasa yang sedang melaksanakan tindakan penguatkuasaan HSK di Batu Talam.

"Jadi, kita harap perkara ini akan dapat diselesaikan dengan segera," katanya menerusi kenyataan pada Isnin.

Beliau turut mengharapkan agar kerajaan Pahang terus konsisten di atas ketegasan yang telah dilakukan.

"Kerajaan Pahang dan mana-mana pihak terlibat pasti tidak akan berganjak ke belakang atas segala tekanan dan provokasi melampau pihak berkaitan," ujarnya.

